

ԲԱՆԱՍԻՐԱԿԱՆ — ԼԵԶՈՒԱԿԱՆ

1.— ԱՌԱԾՆԵՐ ԿԻՒՐԻՆԻ ԳԱՒԱՌԱԲԱՐԲԱՌՈՎ

Խենթէն կուշտ եմ, խելօքէն կարօտ :

Խենթին ճաղարջն Աստուած կ'աղայ, խենթն է կ'ուտէ կ'եւլէ կը խաղայ :

էչը փալանով, մարդը հալաֆով :

Հերսէն(1) եղով, Բէլէն(2) սխտորով :

Էրկրի տուն, էրկրի սղով :

Մալէղը պերաննիս(3) էրեց, ուր է թէ ապուր մ'ըլլար :

Հաչան շունը չի խածներ :

Կովիս մեռեր է, խապլս կըլեր է :

Կակըրճան հաւը ածան կ'ըլլայ :

Հէյիւր էչէցիդ եւ, զըճըրտա առղայէդ եւ :

Պաց բերանը անօթի չի մնար :

Մեռելը օրը կու լան :

Ծուկը կուր կ'իյնայ :

Էրկինքէն դասնախ եաղմիշ(4) ըլլայ նը, մեր կլոխը մէկ հատ չ'անցներ :

Տուռը կոց պոնէ, գրացիդ զորդ պոնէ :

Պակը(5) ծուռ է, կովը կաթ կօ չի տար :

Խլլոտին մուխը մըհանա է :

Էրկըրի նետած քարը խէրուն(6) չ'ըյնիր :

Էրկըրի վրայի շապիկ չի կտրտիր :

Տուռիդ փակեմ նը էրկիր դուրս կը մնայ :

Ատորցողը(7) պատէն վէր կ'ըյնի :

Էրկըր որը նալին կը զըչտէ որը մըխին :

Էրկըրի(8) մնացողը անկնիկ կը մնայ :

Մէկուն հինը, մէկուն նոր :

Հարսիկ քեզ ասիմ, նիրուկ տու հասկցիր :

Կաղ(9) սիրտը սող :

Սուտ խենթ էղէր է, վանքին հաւը կ'ուտէ կօ :

Քթին կինծը ուտող — (չափազանց կծծի) :

Ձէնիէթը իշու ագի(10) է, նէ կ'երկնայ, նէ կը կէրճընայ :

Ծուկը կլխէն կը հոտի :

Ինչուկ որ հաստը պարկընայ, պարակին հողին կ'եւլէ :

Պամպասանք չէ, պանն սասանկ է :

Կուտ կերաւ լեռն էլաւ (սաստիկ զայրացաւ) :

Լեռը լերան վրայ կ'ըլլայ, տունը տանը վրայ չըլլար :

Անցուկը մոռցուկ կ'ըլլայ :

Ոտքիդ եօղանիդ կէօրէ (11) էրկընցուր :

1) Հերիսան : 2) Գուլիսը : 3) Բերաննիս : 4) Թիթեղէ կլոր շրջանակ : 5) Բակը : 6) Հե-
ռուս : 7) Անպարողը : 8) Ուրիշի : 9) Գող : 10) Պոչ : 11) Համեմատ, չափ :

Պէրանը պանալուն տեղ, էշքը թող պանար :
 Չեմ ուտեր, ճէպիս տիր,
 Ճաղարճը ճուրն է դացեր, շախշախ կը պնտոնս :
 Կատու չեղած մուկ կը պոննս :
 Թէմպէլուիթենէն էշուն «քեռի» կօ կ'ըսէ :
 Չի լացողուն ծիծ չեն տար :
 Հէ մ'էլ հարս ըլլամ նը ծին զորդ կը հեծնիմ :
 Ծանը պողաղը(12) ճիկէր կախեր է :
 Ղընտրիեցաւ քէնիթիւն,(13) կըտաւ դախախը:(14)
 Դղալով կը հաւաքէ, չօմչայով կը տառտղնէ :
 Էղանը տակ հորթ կօ պոնն :
 Խէրուի(15) սուրբը զօրաւոր կ'ըլլայ :
 Ծեռքը պաց է (Առատաձեռն է) :
 Ծին էկեր է, օտքերնիս կը մսի :
 Մէնծ էշը ախոռը մոռցանք : (Ոնդիրին կարեւոր կէտը մոռցանք) :
 Սոխ կերած չեմ օր սիրտիս էրի :
 Կէտինն էնկէն(16) ունի : (Չիք ինչ ծածուկ որ ոչ յայտնեցի)
 Մենծ չունեցողը մենծ քարի մը տանիշմիշ(17) կ'ըլլայ :
 Պերանը քաք չի տրջիր (Գաղտնապահ չէ) :
 Կատուն մուկը փորուն համար կը պոնն :
 Ինք իր շուքէն կը վախէ :
 Քէպապիւն հոտին գնաց օր էշ կօ տաղեն : (Յուսախար)
 Մարտի հալա (18) է (փոփոխամիտ)
 Ողջ կըլլիսիս աւետարանին տակ տըրի (19) (Վտանդի ենթարկուիլ)
 Ուզան պերանը կթան կովէն աղէկ է :
 Ուտիմ նը միս է, նետիմ նը մատաղ է :
 Տանակն ինքն իր կոթը չի կէփեր :
 Էրկըրի(20) չուննով դույիմ(21) չ'ըջնուիր :
 Տեղէն էլլողուն տեղը կ'առնին, էրիկը մեռնողուն՝ կնիկը :
 Տանծ էիր նը հասար, խնծոր էիր նը կէյմըրեցար(22) :
 Մէյվայիմ(23) աղէկը արջը կ'ուտէ :
 Հինգ փարա տուինք պաշլայիլ(24) տուինք, տաս փարա կու տանք չի
 քէրկեր (25) :
 Քարը խորը դրաւ :
 Քրիստոս կը փսփսայ (Ողաղութիւն)
 Հերքէշ ինքիր փիսին «փու» չասեր :
 Հաւը հաւ է նը, ճուր խմած ատենը էրկինքը կը հէյի :
 Ծայը (ծայր) նստիր օր լիր գաս :
 Էծն իր օտացը կը կախեն, օշխարն իր օտացը :
 Կէլու աւետարան կը կարդայ : (Ունայնարան է)
 Պօյիդ լման, խելքիդ մըկան :
 Աշխրքին մալը աշխարք կը մնայ :

12) Կոկորդը: 13) Գլտորեցաւ կաթսան: 14) Կափարիչը: 15) Հեռուի: 16) Ակամբ: 17)
 Կը հարցնէ: 18) Եղանակ, օդ: 19) Դրի: 20) Ուրիշի: 21) Հորը: 22) Կարմրեցար: 23) Պտու-
 դիմ: 24) Սկսիլ: 25) Չի կեճար:

Մազն էրկենին խելքը կէրճ կ'ըլլայ :

Իչ տէ (որտեղ) քար մը վերցընես նը տակէն կ'ելլէ : (Ամէն բանի մէջ մատ ունեցող) :

Յանածըդ կը քաղիս :

Ղարդ խարաքողը (26) ծի մը հեծնել փախելու է :

Ղորդ զուրցողուն կլոխը կոտոշով է :

Մօրուք չունիմ օր խօսքիս պոնէք :

Պաց ամանին մէջինը վով օր է (ով որ ըլլայ) կը կիտնայ :

Անտակոր միս չըլլար :

Էս կ'ըսիմ, էս կը լսիմ :

Շանը քար քըշտեմ (27) նը տիրուն խաթրը կը հէյին :

Կէծ ու կրակ է (կրակոտ է) :

Կէծկլտուկ կ'ըլմանի (կրակոտ է) :

Կէյմիբ խնծորին քար քըշտող շատ կ'ըլլայ :

Թէք ինկիզին (28) քար չի նետեր (Շահախնդիր է) :

Էրկու ծագը մէկ քարով քըշտել :

Հէրքէչ ինքիբ Մարկոսը կու լայ :

Կու լամ, կը ծըծաղիմ տէրտիս մաքըրն է :

Էչքըդ փէնկերէն (29) է, խելքըդ քէնկերէն (30) է :

Հաստ ու պարակ մէկ դին է, վայ պարակ մանողուն :

Ղորդ զուրցողը տեղ չունենար :

Խենթը կլոխը կոտոշ չունենար :

Խամերնիդ անուշ է տէ՛ խասերնիդ լեղի (Այս խօսքը մայրերը իրենց անհնազանդ գաւակներուն ուղղեն) :

Շունն ուտէ, ճիկէր է :

Աշխարքը քարս (31) է, տիհա (32) նոր հարս է :

Ուզունկ (33) ունիս նէ կլոխիդ քերէ :

Մէկ ծեռով էրկու ծմերուկ չի պոնուիր :

Էս իմ արծած խողըս կիտիմ :

Մէյմէկի պերան թքած են (համախորհուրդ են) :

Ուզունկ (34) ու միս են (սերտ բարեկամ են) :

Ճուրը տեսնէ ծուկ կ'ըլլայ, ծակը տեսնէ մուկ կ'ըլլայ :

Սաղ էչքը սօլին շահ չունի :

Է՞ծն է էծուն «ոտըդ պաց է» կ'ըսէ :

Էրէսէն վըլի վըլի, էտէէն սուբ ածելի (կեղծաւոր) :

Կիրկիս (35) նստեր մօրուքըս կը փետտէ :

Ծեռքը ծուռ է (դող է) :

Էչքը ծակ է (ազահ է) :

Էրէսը ճուրով է (աներես է) :

Մաղը ծակ է (խօսածնիս կը հասկնայ) :

Ոսպը քարոտ է (խօսածնիս կը հասկնայ) :

Կրլոխը պամպակ չիկայ (ապուշ է) :

Հօխան չամէն է (ապուշ է) :

26) Շիտակ խօսողը : 27) Զարմեն : 28) Ընկոյզին : 29) Պատուհանը : 30) Կաթսախ : 31) Քաղցր : 32) Տակաւին : 33) Եզունկ : 34) Եզունկ : 35) Գիրկիս :

Պէրնէն խուլ է (ապուշ է)
 Խօրասանը արտ ունի (ապուշ է)
 Էնկէնը(36) ծակ է (արթուն է):
 Վէպ չունի տեղը կ'աւլէ:
 Էջըը կուշտ է:
 Անկից հաւկիթ առնողը մէջը դեղնուց չի կտներ (խարդախ է):
 Խենթն ասաց, խելօքը աւտաց:
 Մըկանը շէոը ճաղջին շահ ունի:
 Էնկէնը կախ է, սիրտն ուրախ է:
 Ադամ (ալ) խարուեցաւ, տրախտէն ընկաւ:
 Էն է տրեք իր մտին, տոպրակ մը կարի քըթին:
 Նուկին պակաս է (անմիտ է):
 Սեւէն էլանք, սեւ ծուխն ընկանք:
 Պարտքը տալով, մեղքը լալով:
 Հաշնետունը (հարսնետուն) չի կիտէ, էրդինոցը (յարդանոցը) քէշկէֆ
 (քէշկէք, ցորենէ կերակուր) կը պոէ:
 Թթու քացախ, քարէ հաց (անշահ):
 Խործանայ (վայրի խոտ մը որու արմատը կ'ուտուի, թերեւս խաւար-
 ծիլ) պօփայ պօփայ, տու կընայ հոգիդ հոգայ:
 Շանը եաթախը հացի մայում չի կըտուի (փշրանք):
 Ճուրն ընկնողը, չէօփ կը պոէ:
 Պէրանը սրտին էվէլցուկը կը գուրցէ:
 Մօրը մանածը ներկած է (վարպետորդի):
 Էտի մօրիդ ախճիկութիւնն էր (ժամանակը անցած է):
 Տօնին ու կաղանդին Յուդային օրդին դուրսը (այդ միջոցի սաստիկ
 ցուրտը ակնարկել):
 Հաղայ նը, կօտին կը կըյի (սաստիկ աղքատ):
 Մուկն ըյնի նը կըլիսը կը ծակի (սաստիկ աղքատ է):
 Դըզալին պերնովը կը կերցնէ, կ'թովը աչքը կը հանէ:
 Քարին մէջ էրին (արիւն) կայ:
 Ինք տիկ էղեր, էրկերի բերան էրեր է:
 Սատկած էշ կը պոէ(37) օր նայը քաշէ:
 Ղայնանադ քեզ ամուր կ'ուզէ էղէրէմ (պատրաստ կերակուրի սեղանի
 մը վրայ եկողուն կ'ըսուի):
 Կատու չեղած մուկ կօ պոնես:
 Էրկու խենթը խալաթին քէնտիրն են կըյեր:
 Օշլուրը(38) քերուեր է, անօթին հէյիլ է:
 Սոխին քարսը չըլար:
 Մէյմէկի իչին զուշում զսմին(39) կօ (սաստիկ հակառակ են իրարու):
 Էրէսէն ընկածը, քառսուն պէլիկ(40) կ'ըլլայ կօ (սաստիկ տրտում է):
 Ճէհըտ մանէ որ իլիկիտ լէննայ (գործը յարատեւէ):
 Նէ էտեւէն կ'երթայուի, նէ առջեւէն:
 Էտեւէն էրթաս նը կը տէփիկէ(41), առջեւէն էրթաս նը կը խաղնէ:

36) Ակամը: 37) կը փնտռէ: 38) Ոշլուր: 39) Փամփուշտ արձակեմ: 40) Կտոր: 41) Ուտ-
 անհարէ, կից կու տայ:

Շանն ազին կապուած է (Շատ առատ է, արժէք չունի) :
 Պէտիհավա(42) պատանք կըտնէ նը, առջի իրիկունը կը մեռնի :
 Անցանք տառցանք պարեւ ձեզ :
 Էս աղա, տու աղա, տէիրմէնը(43) վիւլ (ով) աղայ :
 Խորթ մօր կորեկ է (կը պատմուի թէ ժամանակաւ խորթ մայր մը իւր
 խորթ աղջկանը առջեւ դրեր է շատ մը կորեկի, ցորենի եւ այլ
 սերմերու խառնուրդ մը, եւ հրամայեր է որ իրարմէ բաժնէ. երբ
 խեղճ աղջիկը չէ յաջողեր ի դլուի հանել այդ դժուարին դործը,
 մօրմէն պատժուեր է : Այդ ատենէն ի վեր երբ դժուարին դործ մը
 կ'առաջարկուի կ'ըսեն այս) :
 Տէրը՞ ժամ չի մտներ, դու էստեղ պատարա՞դ կ'ընես : (Սոյն առակը
 կ'իւրիցիք Ուլաչցիներէն փոխ առած են : Ուլաչ դիւղ մըն է Սվա-
 զէն վեց ժամ հեռու դէպի հարաւ : Ատենօք Ուլաչցի մը ախոռին
 դուռը մոռացմամբ բաց կը թողու ուր գտնուած հորթերէն մէկը
 դուրս կ'ելլէ եւ գիւղին եկեղեցւոյն դուռը բաց գտնելով ներս կը
 մտնէ եւ մինչեւ սեղանը կը բարձրանայ. ժամկոչը դուռը դոցելու
 ատեն սարսափահար կը տեսնէ հորթը սեղանին առջեւ, եւ դայն
 դուրս կը վռնտէ եւ վերի առածը կ'ըսէ : Այս առածը կը դործած-
 ուի երբ մէկու մը վրայ տարօրինակ արարք մը տեսնուի) :
 Օրը շատ է քանձ կորեկը :
 Աստուծու պըյհածը կելը(44) չուտեր :
 Վեր թքեմ մօրուքիս, վար թքեմ էրէսիս :
 Ուտողը չի կիտէ, փշողը կիտէ(45) :
 Էրկըրի էչք է հաներ, տիրուն հոգին :
 Էչքը տեսածը տիրուն խէր չընէր :
 Փըչած օճախը ճուր չուզեր :
 Էրդնոցը պառկող շանը, դուշուն (46) չի տպնիր :
 Շան ազին քարոց տնելով չի դարդիր (47) :
 Խրատ խրատ լեռն ի վեր, էս կօ կ'երթամ ծորն է վէր :
 Փորը ճեղքես նը, այբ մը չ'ելլեր :
 Էրդ տաս՝ կարի չուզեր :
 Զօրովէն (48) թաղին այլը չերթար :
 Մէկը մէկուն էգի մը տուեր է, էնի էնոր կիկ մը խաղող տուեր չէ :
 Մայր փըշելով փոր չի կշտանար :
 Կընա մեռիր, էկօ սիրեմ :
 Էնի իշուն քովը կապես նը, ես առօք կ'առնէ, ես փառօք (բարօք) :
 Ուղողուն մէկ երեսը սեւ, չի տուողուն էրկու երեսը :
 Խենթը խրատն ինչ էնէ, սեւը սապոնն ինչ էնէ :
 Կուշտն անօթուն մանր է փըշեր, անօթին էրկ-էրկուք է վերցուցեր :
 Կատուն միսին չի հասնի նը, պապուն հոգուն կը սէյպէ (49) :
 Թեւն օսկի ապոճան ունի (արհեստաւոր է) :
 Ինչուկ որ աղը դայ նը, մատաղը կ'երթայ :
 Ուղտը կլող՝ մտեղը քամող :

42) Զրի : 43) Զազագքը : 44) Գայլը : 45) Գիտէ : 46) Փամփուշտ : 47) Շտկուիր : 48)
 Բոճի : 49) Կը համարէ :

Էրկըրի տղայ ասեղի ծակէն Հընտըստան կը հէյթ :
 Ժամը կը հանէ մարդուն սրտին կամը :
 Կը ծնի էծը տէ կը տեսնեմ ուլը :
 Ճուրն ընկողը արծեւէն չի փախիր :
 Կէտէն անցար տէ կաւառը կօ խղզիս :

2.- ԿԻՒՐԻՆՑԻՆԵՐՈՒ ԱՆԷՄՔՆԵՐԷՆ ՏՐՅԱԿ ՄԸ

Աստուած դայ հախտի (1)	Մէկ փապուճով եօթնէրիկ էրթաս
Գետնին եօթը դաքը (2) անցնիս	Սեւ նաշըտ (16) վերնայ
Քէօր (3) ըլլաս	Շիլիիդ (17) տակը գայ, մնայ
Իլէշդ (4) դայ, իլէշդ տեսնէի	Էրկինքին կրակը թափի վրադ
Խէրը (5) չտեսնես	Գետինը մննես (18)
Շան պողազ (6), շիշ պողազ	Աշխարհն մայիում (19) մնաս
Ձեռքդ չորնայ	Պատին տակը մնաս
Չորնալիք	Էրկու էշկըդ (20) քէօրնայ
Շան ձյնած (7), շան լակոտ	Էտ (21) օրը չտեսնես
Ղարա խապարդ (8) դայ	Օր արեւ չի տեսնես
Տունը կլոխիդ փլի	Էրթաս տէ չի դաս
Օճախդ անցնի, մարի	Ժամուն դուռը մնաս
Օղիկ օղիկ ըլլաս	Իշալլահ (22) կը սատկիս
Կծիկ կծիկ ըլլաս	Աստուած հոգիդ առնէ
Իլիշիկ (10) կըլի	Էրկոց էրիկ էրթաս
Ղարաքարդ (11) վերնայ	Դուռ դուռ մուրաս
Սատկիս շըլլամ (12)	Պառկած տեղէդ չելլաս
Չորնաս շըլլամ	Աստուծմէ կտնես (23)
Ուշախներուդ (13) խէրը չտեսնես	Չորնաս մնաս
Չժմնիս շըլլայ	Չօլուխ չօնուխի (24) տէր շըլլաս
Էշկիդ քէօրնայ (14)	Կէնն ու կէնէնչ (25) էրթաս
Ղարա դագայի դաս (15)	Տունդ աւրի

3.- ՀԱՆԵԼՈՒԿՆԵՐ ԿԻՒՐԻՆԻ ԳԱՒԱՌԱԲԱՐԲԱՌՈՎ

1. Կետնէն կ'եւէ քիւրֆով տէտէ (կաղամբ)
2. Էրկան մագի կէնէնչ քագի : (Կանանչ չիշ)
3. Լերանն էտեւ պուումա (1) մը խոտ : (Միրանի գօտի)
4. Լեռանն էտեւ կէս հաց : (Լուսին)
5. Էլայ լեռը վէրէցաւ (2) կոզիս սըսէոը : (Կարկուտ)

1) Իրաւունք : 2) Մալքը : 3) Կոյր : 4) Դիակդ : 5) Բարիքը, լարը : 6) Կոկորդ : 7) Մնած :
 8) Սեւ լուրդ : 9) Գլխուդ : 10) Հոգիդ, շունչդ : 11) Մարմինդ, կերպարանքդ : 12) Իշալլահ :
 Աստուած տայ : 13) Պատիկներուդ : 14) Աչքդ կուրանայ : 15) Սեւ արկածի : 16) Դուրսդ : 17)
 Վիզդ : 18) Մտնես : 19) Ջրկուած : 20) Աչքդ : 21) Այդ : 22) Աստուած տայ : 23) Գտնես : 24)
 Երախանքու : 25) Երիտասարդ ու կամանչ : 1) Անուր մը : 2) Թափեցան :